

25 MAR 1996

DR MAHATHIR BERLEPAS KE NEW ZEALAND

KUALA LUMPUR, 25 Mac (Bernama) -- Perdana Menteri Datuk Seri Dr Mahathir Mohamad hari ini berlepas ke New Zealand untuk lawatan empat hari yang bertujuan untuk mengukuhkan hubungan baik antara Malaysia dan New

Dr Mahathir dan isteri Datin Seri Dr Siti Hasmah Mohd Ali diucapkan selamat jalan di Lapangan Terbang Sultan Abdul Aziz Shah oleh Timbalan Perdana Menteri Datuk Seri Anwar Ibrahim dan anggota Kabinet yang lain.

Antara yang mengiringi Dr Mahathir dalam lawatan itu Menteri Perdagangan Antarabangsa dan Industri Datuk Seri Rafidah Aziz, Menteri Pendidikan Datuk Seri Najib Tun Razak dan Timbalan Menteri Luar Datuk Dr Leo Michael Toyad.

Perdana Menteri dijadual mengadakan pertemuan dengan rakan sejawatannya Jim Bolger di Wellington dan menghadiri majlis anjuran Majlis Perniagaan New Zealand-Malaysia di Auckland.

Dr Mahathir juga dijangka merasmikan Kerusi mengenai Pengajian Melayu di Universiti Victoria dan melancarkan Institut New Zealand-Asia di Universiti Auckland. -- Bernama.

MAM AHH